



Centro Nacional Chega!l.P

Da Memória à Esperança



KOMUNIKADU IMPRENSA

Centro Chega!l.P Organiza Feira Livru Atu Promove Kultura Lee

(Dili, 11 Marsu 2026) - Centro Nacional Chega!l.P servisu hamutuk ho Movimentu Letras, Sala Leitura Xanana Gusmão, Abut, Tio Publisng no Komite Orentador 25 (CO25) organiza atividade Feira Livru, iha âmbito Komemorasaun Loron Nasional Veteranus ba dala-9, ne'ebé realiza iha Muzeu Chega!, Antigo Comarca Balide.

Objetivu prinsipal husi atividade Feira Livru ne'e, atu promove kultura lee iha publiku liu-liu estudantes sira ne'ebé susar asesu livru. Promove no valoriza matenek Timoroan sira nian. Kriasaun espasu ba dialogu no diskusaun. Kriasaun espasu ba comunidade sira atu asesu ba livru. Promove kultura leitura iha comunidade no mos promove livru oin-oin kona-ba istória, direitos humanos, paz no rekonsilisaun iha comunidade.

Objetivu seluk mak, atu promove koleasaun livru mak Biblioteca Chega! iha no mos atu estimula kultura lee entre foin sa'e sira no aprende istória Timor-Leste. Alende ne'e, Feira Livru mos atu hametin kooperasaun entre biblioteca sira iha Dili liu husi realizasaun atividade sira hamutuk nu'udar opsaun ba publiku kona-ba referesia livru sira maibé mos dalan ida atu biblioteca sira kompleta ninia koleasaun sira.

Feira Livru ne'e sei hala'o durante loron 2 hahu iha loron Kuarta-feira to'o Kinta-Feira, (11-12 Marsu 2026), ne'ebé sei kompleta ho atividade sira mak hanesan; Feira Livru, Diskusaun Livru, Human Library no Story Telling.

Feira Livru hola parte iha atividade Centro Chega!l.P liu husi Divizaun Edukasaun no Formasaun iha atividade Jestaun Biblioteca ho nia knaar prinsipal ida mak atu promove Biblioteca Centro Chega!l.P nu'udar sentru sabedoria ida ne'ebé asesível ba ema hotu liu-liu foinsa'e ka estudante hodi hatene kona-ba istória no memória pasadu Timoroan nian ne'ebé mak prezerva iha Centro Chega!l.P.

Entertantu, atividade hirak ne'e hala'o hodi hatan ba mandatu Centro Chega!l.P nian ho baze ba deketu lei Nu. 48/2016 katak kontinua hala'o nafatin ba servisu sira ne'ebé Comissão de Acolhimento, Verdade e Reconciliação (CAVR) no Comissão Verdade e Amizade (CVA) hala'o tiha ona. Vizaun mak prezerva memória pasadu nian nu'udar lisaun ba Povu Timor-Leste no humanidade tomak hodi hetan dame. Misaun mak hari'i sentru póz-konflitu ne'ebé prezerva memória pasadu nian hodi promove direitu no valor umanu; Hari'i parseria nasional no internacional hodi reforsa rede servisu sira atu implementa rekomendasaun CAVR no CVA ne'ebé relevante.

- Remata –

Ba informasaun liu tan kontaktu:

Raimundo Sarmiento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho deketu Lei n.º. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Obrigadu!